

醫方類聚卷之二百四十二



小兒門四

頭面二

聖惠方

治小兒解顱諸方

夫解顱者其小兒年大骨應合而不合頭縫
開解是也由腎氣不成故也腎主骨為髓海
腎氣不成則髓腦不足不能結成故頭顱開
解也

治小兒解顛顛人身有痼熱頭汗出腹脹咳嗽上氣肩息脛蹇足交三歲不行皆治之

乳丸方神巧萬全方

鍾乳粉壹分○萬全方磁石火壹分防風壹分

頭熟乾地黃壹分牛黃壹分甘草壹分漆壹分

花漆註炒令煙出

右件藥擣羅爲末入研了藥更研令勻以大腦髓和丸如麻子大每服以粥飲下三九早晨午間日晚各壹服量兒大小以意

加減

治小兒顛骨開宜塗白及散方

白及壹分細辛壹分○和劑防風壹分去栢

子人一分○局方各壹兩

右件藥搗細羅爲散以乳汁調塗兒顛骨

上日二用之局方每日壹次用之

治小兒顛不合諸方合醫治小兒顛

夫小兒顛不合者此乃氣血少弱骨木不榮故也皆由腎氣未成肝肺有熱壅熱之氣上

衝於腦遂令頭髮乾枯骨髓不足故令顛不合也

治小兒腦長頭大顛開不合臂脛小不能勝頭三歲不合熨藥方

半頁膏兩湯洗芎藭一兩細辛二兩桂心兩壹川

烏頭五枚炮裂

去皮臍

右件藥細剉以酒四升漬壹宿絲裹入器

中煮令微熱溫熨兒顛門上朝暮熨二三

十遍極効神功萬全方同

治小兒腦長錮顛藥使腦不長方取丹雄鷄

壹隻將臨小兒顛上尅其冠使血滴在顛

上訖以赤芍藥末粉血上使血不見一日

差

治小兒顛陷諸方

夫小兒顛上陷者此謂顛陷不平也由腹內

有熱氣熏藏藏熱則渴引飲而小便洩利者

用臍藏血氣虛弱不能上充髓腦故顛陷也

治小兒臍藏熱氣血不榮致顛陷不平者

生乾地黃散方

生乾地黃二烏鷄骨壹兩塗酥

右件藥搗細羅為散不計時候以粥飲調

下半錢神巧萬全方同

治小兒顛陷方右取猪牙車骨髓煎如膏塗

顛上良

又方右以狗頭骨炙令黃搗羅為末以雞子

清調塗之

又方右以天靈蓋炙令黃搗羅為末以生油

調塗之

治小兒頭瘡諸方

夫小兒頭瘡者由臟腑有熱熱氣上衝頭而復有風濕乘之濕熱相搏折於血氣而變生瘡也

治小兒頭瘡經年不差松脂膏方

松脂壹兩川大黃兩苦參兩黃連壹兩

胡粉兩黃芩兩水銀兩白礬兩蛇牀子兩

分壹

右件藥搗羅爲末以臘月猪膏和研水銀星盡以堯合盛每使可瘡塗之効

治小兒頭上生惡瘡方

人糞灰半兩狗糞灰兩猪糞灰兩皂莢灰兩

香鼓半兩白礬灰兩

右件藥搗細羅爲散每使可瘡以生油調

塗之日一易以差爲度

治小兒頭瘡久不差惡汁出不斷方

黃連壹兩黃蘗壹兩白礬壹兩蛇牀子兩

胡粉三分

右件藥搗細羅爲散以熬成猪脂調如膏

日二塗之効

治小兒頭瘡及惡瘡方

香鼓壹兩麻油二合梟黃兩葱白四兩

右件藥先煎油令熟入香鼓等熬令烟出

熟搗貼於瘡上以物密裹之効

又方黃連壹兩吳茱萸兩膩粉兩杏人兩

湯浸麻油一合去皮

右件藥搗羅爲末入麻油杏仁同研如膏
每塗藥時先以塩漿水洗了拭乾塗於瘡
上日二用之

治小兒頭瘡久不差青砂散方

水銀壹分以少棗硫黃壹分拘頭骨半兩川

椒壹分膩粉壹分縮沙一分竹葉半兩燒灰

右件藥搗細羅爲散研入水銀令勻以生

油調塗之立効

治小兒頭上生惡瘡及疔瘡軟癩並宜傅胡

粉散方

胡粉兩黃連壹兩糯米二十粒赤小豆十四

吳茱萸半兩水銀壹兩點少水人胡粉研令星盡

右件藥搗羅爲末卽以麻油和諸藥調勻

塗之

治小兒赤瘡渾頭面及背上作片人不識者

宜用水銀膏方

水銀壹兩松脂壹兩膩粉壹分土蜂窠壹兩黃蘗

半兩川大黃壹兩

右件藥除水銀膩粉外罽羅為末以鍊成
豬脂半斤煎成膏似稀麵糊放冷取水銀
膩粉於掌中以唾調如青泥然可入膏中
相和攪令勻塗於瘡上不過三兩上差

治小兒頭瘡經年不差差而復發宜用雄黃
膏方

雄黃壹兩 雌黃壹兩 黃蘗壹兩 黃芩壹兩 黃
細研 白芷壹兩 當歸壹兩 木香壹兩
右件藥除雄黃雌黃外並細剉用頭醋浸

一宿以豬脂一斤煎候白芷色赤黃膏成
去滓入水銀壹兩以唾於掌中研令星盡
入膏內攪令勻次入雄黃雌黃等末又攪
之用蕤合盛每使先以搥漿水洗瘡令淨
拭乾以膏塗之

治小兒頭瘡紫草膏方

紫草二兩 去無色 馬腸根壹兩 杏仁壹兩
枝葉搗末 去皮 吳茱萸壹分 雄黃壹分 清麻油八兩
研 右件藥先以麻油於一淨鐺內煎下杏仁

柴蒞入於鑊中徐徐煎三兩沸卽去火以
生絹濾去滓次入紫草馬腸根等末又煎
五七沸再濾去滓看膏稀稠得所入雄黃
末攪令勻用堯合盛每用先以塩漿水洗
瘡令淨拭乾以膏塗立效

治小兒頭瘡久不差痒不生痂藜蘆膏方

藜蘆二兩黃連二兩白礬五兩雄黃二兩
去髮去髮燒細切

黃芩二兩松脂二兩

右件藥除雄黃松脂外並搗羅爲末以猪

脂一斤入銚子內熬令消細濾過入藥末
煎稀稠得所入雄黃松脂攪令勻膏成以
堯合盛每用先以桐樹白皮天麻甘草各
一兩水煎湯放温洗瘡令淨拭乾以膏傅
瘡

治小兒徧頭生瘡水銀膏方

水銀兩胡粉貳兩入少水與水
銀同研令星盡 松脂貳兩
細研

猪脂三兩

右件藥先煎猪脂令消去滓下松脂次下

水銀胡粉不住手以柳杖子攪令勻膏成
去火傾在甕合內淨洗乾拭塗瘡上日一
用之

治小兒頭瘡及白禿瘡雞子膏方

新雞子

七枚去殼

膩粉

半兩麝香

壹分婦人油頭

髮

壹團如雞子大

右件藥先將雞子入銚子內熬次下髮令
消以絲濾過入膩粉麝香攪令勻以甕合
盛每用先淨洗拭乾塗之

治小兒頭瘡出膿水差而復發黃連散方

黃連

五兩去鬚

水銀

貳兩

烏賊魚骨

貳兩燒令赤色

右件藥除水銀外擣細羅爲散別用白斂
末一兩半入少水與水銀同研星盡與前
藥末相和研令勻每使先以桃葉湯洗瘡
令淨拭乾以藥傅於瘡上

又方豆豉

一兩炒微焦

皂莢

壹挺長三寸許燒爲灰

鼈甲

壹兩

膩粉

右件藥擣細羅爲散每使以生油調塗上

立効

又方杏核

壹百枚 燒為灰 膩粉 壹分

右件藥細研為散每使以生油調塗之

又方水銀

半兩 黃連 末一兩 胡粉 半兩

右件藥相和入少水研水銀星盡以生油

調塗之

治小兒頭疥久不差方

樛上塵

五青礬 半分 〇保童 秘要半兩

右件藥細研為散每使以生油調塗之〇

秘要右二味研令極細用生油調先以皂

菘湯洗後用藥遍塗之如再用藥即不得

更洗恐傷風故也

治小兒頭瘡盡開出膿夜即復合者宜用此

方

大附子

壹枚 去皮臍 鯽魚 壹枚 長四寸者

右件藥將附子末入鯽魚肚中於炭火上

炙令焦細研傅瘡上更爛搗蒜於上封之

其良

類聚方書

九

又方亂髮

一團如梨大

鷄子黃

五枚之神巧萬全方有膩粉少許外

入

右件藥相和入銚子中以炭火熬令髮消

以篩濾過用瓷合盛塗於瘡上○備須百

要方小兒頭面及身體熱瘡亂髮一團

如雞

子雞子黃煮熟右二物和於鐵銚內火上

熬初其乾小頃髮焦遂有液出旋取置器

中以此液塗瘡上以苦蔘末粉之

又方右以馬蹄燒灰細研以生油調塗之

又方右以露蜂房燒灰細研以蠟月猪脂調

塗之

又方右以黑豆一合炒令存性搗羅為末以

水調塗之

治小兒頭瘡積年不差方右取檳榔水磨以

紙襯瞭乾以生油調塗之

又方右鷄子殼燒灰細研以蠟月猪脂和塗

之效鷄糞炒為末傅之亦佳

又方右烏梅肉燒灰細研以生油調塗之

又方右吳茱萸炒令焦細研入膩粉以口脂調塗之

又方右以虎脂傅瘡上差

又方右以苜蓿末生油調塗之

治小兒頭瘡及惡瘡及浸淫瘡並宜此方右取生油麻嚼傅之效

治小兒頭面身體生瘡諸方

夫小兒藏腑熱盛氣衝發皮膚而外有風濕折之與血氣相搏則生瘡其狀初赤起痞癩

後乃生膿汁或差或發或生身體或生頭面隨處皆有也

治小兒頭面身體生赤瘡濕痒黃水不止宜傅漏蘆散方

漏蘆壹分當歸壹分黃藥一分黃連壹分

五倍子壹分麝香一分膩粉二錢

右件藥搗細羅為散入研了藥更研令勻

每用時先煖塩漿水洗瘡令淨拭乾以生

油調稀稠得所塗於瘡上如已乾處即不

再塗餘濕赤處即更塗之以乾差爲度塗藥後未得洗之

治小兒頭面身體生熱瘡黃連散方

黃連一兩蛇牀子二兩黃蘗二兩胡粉半兩
炒令黃色

右件藥擣細羅爲散若頭上身上生瘡以生油調如泥塗之若面上生瘡以猪脂和塗之

治小兒頭面風瘡及身上或如麻豆多痒吳

茱萸散方

吳茱萸半兩赤小豆半兩薰黃半兩鴿糞半兩
微炒白礬灰半兩葶藶子壹分皂莢壹分藜蘆壹分

右件藥擣細羅爲散以生油旋調塗瘡上以差爲度

治小兒頭面身體卒生惡瘡胡粉散方

胡粉壹兩水銀壹分胡粉研令星盡黃連末壹兩

右件藥都研令勻以猪脂調塗之

治小兒頭面身體生瘡熱痛黃蘗散方

黃蘗壹兩 剉 水銀兩 苦參三兩 剉 黃連壹兩 去鬚

右件藥搗細羅為散以猪脂和攪乳入研水銀星盡每使先用泔清洗瘡令淨拭乾傅之日三上効

治小兒頭面身體生瘡累醫未効宜用此方貼之

吳茱萸半兩 微炒 川大黃壹兩 剉 膩粉壹分 麝香壹分 細研

龍膽壹兩 去蘆頭

右件藥搗細羅為散以生油調可瘡塗日一用之

治小兒頭面及身體生瘡久不差癢痒殺蟲蕪荑散方

蕪荑三分 微炒 葶藶子壹兩 微炒 白礬壹兩 燒令汁盡 吳茱萸

黃半兩 微炒

右件藥搗細羅為散以生油調可瘡塗日二用之

治小兒頭面身體生瘡皮膚赤爛癢痒雄黃

散方

雄黃三分白礬半兩燒令汁盡并一分莽草兩半

右件藥搗細羅為散以生油調可瘡塗日

三川之

治小兒頭面身體生瘡久不差胡粉膏方

胡粉壹兩水銀壹兩與胡粉相和白松脂壹兩

猪脂二兩

右件藥先將松脂猪脂入鑊中煎成膏以

綿濾過入水銀胡粉攪令勻日二塗之差

治小兒頭面身體皆生熱瘡黃連散方

黃連壹兩黃蘗壹兩胡粉壹兩苦參貳兩水

銀一兩與胡粉相和點

右件藥搗細羅為散入水銀胡粉研勻如

瘡在面上以面脂和塗之如在頭及身上

以生油和塗之

治小兒頭面身體生瘡洗浴大黃湯方

川大黃壹兩苦參兩一蛇牀子四兩赤芍藥兩二黃

類聚三書

十一

連參兩黃芩參兩黃蘗五兩菴藨壹斤

右件藥細剉和勻每用三兩以水五升煮
一二十沸去滓看冷熱洗浴瘡上

治小兒頭面身體生瘡久不差宜用洗浴苦

參湯方

苦參參兩地榆五兩黃連五兩獨活五兩艾葉五兩

竹葉貳兩王不留行參兩

右件藥細剉和勻每用三兩以水五升煮
取三升去滓看冷煖洗浴瘡上

治小兒頭面身體生瘡出黃膿水宜用洗浴

黃連湯方

黃連貳兩甘草貳兩苦參五兩柳枝壹握

右件藥細剉和勻每用三兩以水五升煮
至三升去滓看冷熱洗浴即愈

治小兒頭面身體生瘡黃水出黃連散方

黃連壹兩胡粉參分甘草三分

右件藥搗細羅為散以獵月猪脂和如膏
塗於故帛上貼日二換之○保童秘要而

類聚三書

十一

類聚

十六

上生瘡黃水出黃連末四分甘草末胡粉

各參右以成鍊了猪脂詳酌多少同細研

逐時取少許以帛子勻攤於瘡上帖之日

一易

又方豆豉一合炒黃蘗一兩

右件藥擣細羅為散每用先以熱灰汁洗

瘡令淨拭乾傅之

治小兒頭面身體生瘡黑豆散方

黑豆貳兩大麻人二兩

右件藥擣麤羅為散著竹筒內橫挿熟灰

火中以銅器承受當有汁出收之令汁盡

便塗瘡即愈

又方榆白皮一兩炙

右搗細羅為散以醋和塗之以絲覆上蟲

出為度

又方黃黍米壹升炒

右搗細羅為散以蜜水和塗之

又方赤卍利半兩

右搗羅爲末以水浸梔子濃汁調塗之

又方右膩粉以葱汁和塗之事林廣記

又方免絲子二兩搗令碎

右以水五升煎取三升去滓看冷煖洗

治小兒頭面身體生瘡赤腫焮痛宜用此洗

浴方

地榆八兩

右細剉以水一斗煮至五升去滓適寒溫

洗浴瘡日三上效

治小兒頭面身體有惡氣數起生瘡方右取

豆豉炒令焦搗羅爲末每用先煮桃葉湯

洗令淨拭乾傅之

治小兒頭面身體生瘡肉突出方右取烏梅

肉微炒搗羅爲末傅瘡上效

治小兒白禿瘡諸方

夫小兒白禿瘡者由頭上白點班剝初似癬
而上有白皮屑久則生痂成瘡遂至徧頭洗
刮除其痂頭皮有瘡乳如筋頭大裏有膿汗

出不痛而有微痒裏有蟲甚細微難見九蟲
論云是蟻蟲動作而成此瘡乃至自小及長
不差頭髮禿落故謂之白禿瘡也

治小兒白禿瘡差而復生皂莢散方

皂莢二挺 燒灰 黃芩一分 朱砂壹分 麝香壹分 黃

丹一分 檳榔一分 白及半 乾薑壹分 燒灰

右件藥搗羅爲末以濃醋脚調塗之甚者
不過三上差

治小兒白禿痒及諸癬松脂膏方

松脂半兩 天南星壹分 川烏頭壹分 膩粉壹分

杏仁一兩 湯浸去皮別研如膏 清油貳兩 黃蠟壹兩

右件藥搗羅爲末先取油蠟入於瓷器內
以慢火鎔之後下諸藥末和攪令勻熬三

五沸膏成候冷塗瘡上日再用之

又方蕪荑壹分 豆豉壹分 川椒貳十粒

右件藥搗如泥以陳醬汁調塗之

治小兒白禿瘡痛痒不差方

赤豨根壹兩 桃花壹兩 三月三日

右件藥搗細羅爲散以臘月猪脂和如膏
每使時先以桑柴灰汁淨洗拭乾塗之卽
差

又方細柳枝一握水銀半兩以津皂莢一挺去

右件藥細剉以醋壹升煎令濃去滓再熬

成膏下水銀攪令勻以堯合盛日二塗之

治小兒白禿瘡無髮苦痒野葛膏方

野葛未壹兩猪脂兩一羊脂兩一

右件藥同煎三五沸攪令勻濾去滓盛於

堯器中候冷塗之不過三上差

治小兒白禿瘡及疖頭髮連根作穗脫落髮
不生者宜塗黑豆瀝方

黑豆合叁芭藤子合叁訶梨勒皮合叁

右件藥搗羅爲末以油水中半拌令勻內
在竹筒中川亂髮塞口以煆瀝取膏貯
於不津器中每使時先以皂莢淨洗然
後塗之日二用十日內髮生矣

又方巴豆十枚去皮心研搥壹塊如麻油合壹

紙裏壓去油 栗子大

右件藥都入乳鉢內研如膏日三度塗之
差

治小兒白禿瘡髮落苦痒黃蘗散方

黃蘗

末壹兩

薰陸香

一兩

右件藥細研以生麻油調稀稠得所塗之
乾卽更塗不過四五度差

治小兒白禿瘡髮不生方右取蔓菁子川烏
頭等分燒灰細研以生油和塗之

治小兒白禿髮不生瘡有汁出或無汁乾燥

痛方右取雞子七枚用青以銅器中急火
熬令乾細研傅之

治小兒白禿瘡久不差方右取鯽魚壹頭重
四兩者去

亂髮以濕紙裹燒爲

灰細研入
二錢更研令勻每用時
以泔清塗
拭乾以獵月猪脂調塗之
生油調

治小兒白禿瘡方右取東引棟樹枝剉碎擣
羅爲末以猪脂和塗之

髮聖靈
三十一

又方馬陽根

壹兩剉微炒

藜蘆

半兩去蘆頭剉炒令焦

右疇羅爲末每用時先以泔清淨洗瘡拭

乾傅之

又方樛上塵

五兩

右細研每川時先以皂莢湯溫溫淨洗瘡

拭乾傅之

又方右以熊脂五兩鑿令消塗之

又方右取瓦青衣細研以生油調塗之

又方右以醋泔洗頭後淋蕎麥灰并再洗之

又方右以葵根燒灰細研傅之

又方右以蛇蛻皮燒灰細研傅之

又方以大蒜研令爛傅之

又方右以牛糞塗之

治小兒髮不生諸方

夫足少陰爲腎之經其榮在髮小兒稟性少

陰血氣不足則髮踈薄

巢氏病源踈薄不生

亦有因瘡

而禿落者皆由傷其氣血氣血損少不能榮

於髮故令髮不生也

治小兒腦疳頭髮連根作穗子脫落下生兼
瘡白禿髮不生者並宜用生髮神效黑豆膏
方

黑豆合叁 芭藤合叁 訶梨勒皮壹兩

右件藥搗羅爲末以水拌令勻內於竹筒
中以亂髮塞口用煆灰內煨取油貯於瓷
器中先以泔米皂莢湯洗頭拭乾塗之日
再用十日髮生

又方葛根末 猪脂 羊脂已上各兩

右件藥入銚子內以慢火熬成膏收於瓷
合中每取膏錢塗摩頭上日再用不過五
七度効

治小兒白禿不生髮備上易簡方 燥痛宜用

香薷煎方

陳香薷二兩 易胡粉壹兩 猪脂半兩

右件藥以小壹大盞煎香薷取汁三分身
力水二盞煎法滓入胡粉猪脂相和令勻
取膏汁半盞塗於頭上日再用之醫方大成集成南北
經驗方袖珍方同

治小兒頭禿不生髮苦痒蔓菁子散方在取
蔓菁子搗爲末以猪脂調塗於禿處佳
又方右用貫聚燒灰細研以油調傅之
又方右用鯽魚一頭燒灰研爲末醬汁和傅
之

又方右取楸葉中心嫩者搗絞取汁塗之
又方右用麻子壹升熬黑壓取脂傅頭上良
又方右用搗湯洗之生油和蒲葦灰傅之
又方右用鴈脂傅之佳

小兒藥證直訣

天南星散治顙開不合鼻塞不通

天南星

大者微炮去皮

右爲細末淡醋調塗緋帛上貼顙上火炙

手頻熨之立効

經驗良方同

大全本草

雞窠中草主小兒白禿瘡和白頭翁花燒灰
臘月猪脂傅之瘡先以酸泔洗然後塗之
又主小兒夜啼安席下勿令母知

孫真人食忌生髮方取側柏葉陰乾作末和油塗之

子母秘錄治小兒頭上瘡髮不生楸葉搗汁塗瘡上髮即生兼白禿

譚氏小兒方療小兒面上瘡豆子癩法黃明膠慢火炙爲末溫酒調服一錢匕出者服之無癩未出服之瀉下又治小兒火燒瘡滅癩痕黃明膠小鷄翎掃之

食療小兒患頭瘡燒馬骨作灰和醋傳亦治

身上瘡白禿瘡以馱馬不羸者尿數數煖洗之十遍差又白馬脂五兩封瘡上稍稍封之白禿者髮即生

子母秘錄小兒白禿瘡頭上瘡團團白色以牛屎傅之

千金方治髮不生以羊屎灰淋取汁洗之三日一洗不過十度即生

陳藏器本草云小兒頭瘡取猪膽汁傳之

子母秘錄小兒頭身諸瘡燒雞卵殼研和猪

脂傅之

又方兒頭上瘡及白禿髮不生汁出者雞子
七箇去白皮於銅器中熬和油傅之

姚和衆治小兒脚瘰如有瘡卽濃煎蠟塗之
子母秘錄治小兒面上忽生瘡黃水出鯽魚
頭燒末和醫清汁傅日易之

陳士良云胡麻人生嚼塗小兒頭瘡亦療婦
人陰瘡初食利大小腸久食卽否去陳留

新

外臺秘要小兒面上生瘡如火燒以黃梁米
壹升末蜜中和傅之差爲度

子母秘錄小兒白禿瘡凡頭上團團然白色
以蒜搯白處早朝使之

三因方
解顱治法

三辛散治小兒頭骨應合不合合頭骨開解
名曰解顱

細辛 桂心 各半 乾薑 七錢

右為末以乳汁和傅顛上乾復傅之見面
赤即愈得効方經
驗良方同

是齋醫方

治小兒頭上熱瘡四姪之子年壹歲餘滿頭
膿瘡成片用此藥兩三次作痂而愈屋塵
即烏龍尾也以麻油脚研令極細傅之雖
痛不妨

治小兒頭瘡孫盈仲云屢見人用煮熟鷄子
黃炒令油出以麻油膩粉調傅

治襁褓小兒面上生疥癬張仲寶方極驗白
膠香礬為極細末酸漿水調傅不過壹兩
上

治小兒頭瘡以多年籬竹入土爛者燒存性
灰入輕粉少許濕者乾摻乾者油調塗之
治小兒頭上有瘡因入湯入水成毒濃水出
不止唐仲舉安孫
親用之驗紅麴不以多少口爛嚼
罨之立効

又方曾用立効肥皂燒存性灰麻油膩粉調

塗

治小兒頭瘡廬州知錄彭大辯仲訥傳親曾
試之果驗海上名方治久不差瘡猪筒骨
中髓以膩粉和爲劑復納骨中火煨香熟
取出先以溫塩水浴瘡乃傅之本出良方
以猪筒子骨髓調輕粉塗瘡上立效早塗
至晚卽乾而愈神妙不可具述肥瘡疔瘡
皆可用

又方漢陽章教授樹上乾桃燒存性碾爲細

末入輕粉麻油調傅

治小兒秃瘡享老傅鼠糞不以多少新瓦上

煨存性入輕粉麻油調塗

經驗良方同

治小兒眉間生練銀瘡鄭判院擢傅用曾煨

金銀甘鍋子搥碎碾細重研如粉用生麻

油膩粉調傅

瓊碎錄

小兒雞秃白色者革麻子一味研令極細擦

瘡止

直指小兒方

解顱證治

小兒年大頭縫開解而不合也腎主髓腦為髓海腎氣有虧腦髓不足所以頭顱開而不能合凡腦髓欠少如木無根不過十日終成廢人姑與錢氏地黄圓

大熟地黄洗焙四錢 山茱萸 乾山藥各二錢 澤

瀉一錢 牡丹皮 白茯苓各壹錢半

右末煉蜜圓桐子大每壹二圓永類鈔方十元

熟水空心調服仍用大南星微炮為末米

醋調傅於緋帛烘熱貼之得効与同鈔方又云軟巾緊護

縛之為妙○御藥院方治小兒本氣虛怯由胎

氣不成則神不足目中白睛多其顱即解

開面色眊白又腎氣不足則下窻蓋骨重

惟欲墜於下而縮身也腎水陰也腎虛則

畏明目無睛光者並宜補之熟乾地黄八錢

焙山茱萸各四錢 澤瀉 牡丹皮 白茯苓

各三錢 右為細末煉蜜和丸每兩作五

十凡三歲已下每服一二九至三九溫水
空心化下

又方葉陰細辛去苗辣桂去麤皮乾薑生

右等分爲末乳汁調傅

鯽魚方治小兒白禿瘡

鯽魚青尾重三四兩者去腸肚以雄黃二
亂髮填滿濕紙裏燒存性

右同末生麻油調傅先以蠶小洗拭後用

藥得効方同

又方乘榆白皮爲末醋調傅

又方練槁枝皮燒猪膏調傅

又方蛇皮燒存性爲末猪膏調傅

朱氏集驗方

腮脛

磨風膏治赤腫胎毒在腮脛上

草麻去殼雄黃壹錢

右先將雄黃碎研却將草麻同勻研水調

搽腫處

搜風散治腮下腫

大戟 甘遂 大黃 檳榔 牽牛炒壹錢

青皮錢十

右為末每壹錢用蜜湯下

單方治小兒頭瘡白膠香為細末入輕粉少

許乾糝如濕用油調

治小兒頭瘡及一切疥瘡

烏柏樹麤皮向東者 大椒 五倍子 苦練

樹根皮焙乾 白礬

右研為細末用麻油調塗有膿水乾傅亦

可

保童秘要

白禿及髮根下癬狀諸方

熊脂不計多少

右銷熊脂候凝每日三度以少許用指於

所患處熟揩之

又方芭荳十枚去皮

右用生油壹大合搥壹栗子大同於鉢中

以柳木槌研芭荳等如蘇狀每日三度塗

之

面上生瘡黃水出諸方

鯽魚一箇燒作灰

右以醬汁勻調每日兩度取少許塗於瘡上

頭髮作穗不光潤方

胡黃連

大黃

各壹分

梔子

二枚

黃芩

貳分

大麻

子四分別搗如泥

右為末鍊蜜為丸如梧子大每服三丸至

五丸溫水研化服之

得効方

解顛

治頭骨應合不合頭骨開解名曰解顛驢頭

骨肘後方云驢蹄不以多少燒灰研細以清油調

敷頭縫中

髮不生

菘菜圓治稟受血氣不足不能榮於髮

當歸尾去生乾地黃

肉菘菜

酒洗

楊芍藥

各壹 胡粉 五兩

右為末煉蜜圓如黍米大每服十粒煎黑豆湯下兼磨化塗抹頭上

如聖黑膏治頭瘡久不瘥及白禿

豆豉半升 龍膽草 樺蕈各一分

右一處用濕布裏搗泥固濟火煨存性碾為末以生清油半斤熬取四兩下藥急攪勻得所堯合收傅神效 凡人耳輪瘡極庠臨脚以傅一遍治白禿剃頭后一傅愈

卽效方治頭上生瘡及肥瘡瘡疔筒骨中髓

調調粉早傅晚愈又用樹上乾桃燒灰清

心調傅效暑毒軟節皆可

諸惡瘡生頭面南星具母等分用湯泡七次

研為細末入土朱少許乾則清油調搽濕

則乾糝

澹軒方

面上疥癬及生瘡

小兒疥癬白膠香細碾酸醬水付良或若生

瘡輕粉付和調葱汁亦無妨

眉間煉銀瘡

眉上生瘡白銀煉鍊銀鍋子最相親一枚搥碎研如粉輕粉麻油付欲頻

頭瘡肥瘡疔瘡

不問頭瘡肥與疔竹籬根爛樹桃乾成枚肥皂皆燒末輕粉麻油付壹般

猪筒骨髓治兒瘡輕粉調和乃異方醋炙敗龜研作末麻油輕粉付尤良

解顛

細辛桂心各五錢乾薑減半也同研頻塗乳汁傅顛上見面紅時骨即堅

肘後方

若頭生瘡白禿髮不生油出慘痛者煮雞子七枚剝去白於銅器中熬之汁出以傅瘡上立差也

又方榆白皮熬令燥搗末苦酒和塗縣以傅瘡上虫自出

又方椿楸桃葉心取汁塗之衛生易簡方有
五七次三字
大効

又方臘月猪矢燒未傅之

若患漏頭晝開膿水夜復合方大附平內鯉
魚腹中炭火上燒末以傅瘡更搗大蒜傅
則不發矣

見三歲初患頭上起煙漿如釘蓋一二日面
及背皆生仍成瘡水銀朱砂各半兩胡
粉硫黃各半兩禁見狗并青衣小兒婦女

先濃煮桑汁以洗之帛淨拭傅膏日三夜
再每一洗一易膏此並徐王神効方

姚和衆治小兒腦熱閉目大黃一分麤剉以
水三合浸壹宿壹歲兒每日與半合服餘
者塗頂上乾卽更塗

子母秘錄治小兒白禿葶藶末以湯洗訖
塗上○衛生易簡方用葶藶子杵爛水煎
洗并塗貼黃水出三五次自効

又方搗榆白皮末醋和塗之虫當出衛生易
簡方永

除根
大驗

又治小兒白禿瘡頭上瘡團團白色以牛屎
傅之

又治小兒頭瘡頭上生瘡竹葉燒末和猪脂

塗上又以雞子白傅之亦炒

王氏集
驗方同

澹寮方

小兒解顱曾有人作頭巾與裏遮護之久而
自合亦良法也

衛生寶鑑

黃連散治小兒眉癬

黃連 大黃 黃芩 蜜陀僧 百藥煎

各等
分 輕粉 許

右為極細末每用不以多少油蜜調搽神
効此山有木工則度之

絳玉散治小兒頭上并身上濕疥時復痒痛
皮膚濕爛久不可

黃丹 炒紅貳兩重 菘豆粉 炒黃三兩重

右為末清油調雞翎掃於瘡上後搽勝金

散覆之大有神效

勝金散

石膏

黃芩

兩

右為末先搽了絳玉散後不以多少覆之神效不傳

拔粹方

解顧

治法宜用生乾地黃散

頰赤

由心藏邪熱上攻也宜服導赤散

眉煉

治法用青金散傅之如不愈燒小麥存性研細好油調塗

王氏集驗方

小兒頭瘡耳上瘡竹葉燒水和豬脂塗上又方鷄子白塗之妙

省翁活幼口議

秘傳頭禿瘡方

吳茱萸煎醃者佳如無以鹽浸一二宿

右為末礮米醋調刷傅頭上大人眉蛆瘡

用之立効

永類鈴方

顛填證治

脾主肌肉乳兒飢飽不常或寒或熱乘於脾胃藏府之氣一冲故填而脹顛突而高如物堆填汗出毛髮黃短是也若寒氣上冲則牢鞣腫硬也熱氣上冲則柔軟宜服上地黃元

封顛散

蛇退乙兩燒防風半兩黃半兩煨性白芨

右為末生薑汁調傅或肝盛風熱交攻亦有此證

顛腫為熱以黃柏膏塗足心湧泉穴陷則為

冷以半夏末塗手心妙

髮遲證治

小兒血氣不足不能榮於髮故生遲或呼為疳非也

香薰煎

陳香薰兩一猪脂兩半

右水一錢煎香薰取汁三分入猪脂和勻塗頭上

又燒鯽魚灰醬汁調服煎地黃元佳

經驗良方

小兒胎風瘡右烏柏樹根水邊者曬乾爲末雄黃生用油調傅之

又方舊皮鞋面燒灰爲末輕粉少許濕乾傅

乾油傅

治小兒胎風瘡用猪腰子壹个開作貳片去膜心將五倍子末同輕粉納入腰子內用沙糖和麪固濟腰子縫炭火上炙焦爲末清油調塗

治小兒頭上瘡爛名胎風瘡右老松樹上自脫薄皮豆豉少許瓦器中同炒存性爲末入輕粉油調塗

治頭瘡不瘥汁出不止用枳實燒灰猪脂塗

瘡上

又方用田螺殼燒存性灰清油調塗濕摻末在瘡上

治小兒禿白瘡右羊糞煎湯洗去痂却用雄羊糞燒灰同屋懸煤爲炒末清油調塗

治小兒頭上禿瘡右用仙人掌草焙乾爲末有汁出乾滲無汁油調

醫林方

小兒頭上癩

白膠香

青黛三錢

右爲細末水調如泥塗在瘡上去了膿血瘡口內紙撚子任之上用藥塗如一彈子後至來日取瘡口上紙子了其膿血自出後不再發

神効名方

治眉煉頭瘡小麥不亦多凡燒令黑色存性爲末以小油調塗瘡上

治小兒禿瘡羊糞熬湯洗去痂用屋懸煤炒

羅爲末以小油塗瘡上

黃連散治小兒頭瘡

川黃連 黃蘗去蘆皮 草決明 輕粉各等分

分

右爲細末用牛小油調藥於瘡上塗之立

愈

南北經驗方神效方衛生易筋方同

事林廣記

小兒頭瘡煮熟雞子黃炒令油出以麻油膩粉調傅

又方肥皂角燒灰存性麻油膩粉調傅

新效方

治解顛

人參 白朮 茯苓 甘草 當歸 川

芎 熟地黃 白芍藥

右八味等分咬咀水煎服有熱者加酒炒黃連生甘草外以絹帛束緊其處湯調白飲未傅之

治白禿頭上壹切瘡

敗龜板

浸糞缸中百日洗淨晒乾燒存性

人中白

燒存性

一兩

熏皮煙

壹兩

砒霜

半錢別研

右四味末之以猪脂五兩調勻每用少許

薄塗瘡上不可多塗內服酒製防風通聖

散以除其熱滿頭瘡者宜分作四處四番

塗藥待壹處好再塗一一方去砒霜加

輕粉餘並同以燒紅白炭淬溫流水以

洗去瘡痂傅之

外科精義

治小兒面湮瘡俗云鍊銀瘡者是母受胎之

日食酸醃及邪味過度多生此瘡

百藥煎

五錢

生白礬

二錢

右爲細末小油調旋搽之神効

壽域神方

治頭瘡用鬼絲子湯洗

衛生易簡方

治小兒百日左右恐被風吹顛門用麝香竭

尾去毒薄荷葉牛黃青黛末各壹字匕以

熟棗肉和成膏新絲上塗勻貼於額上四
方可出壹指許火上炙手頻熨封之無患
額亦易合

治頭而爛瘡用木耳爲末蜜調傅乾則換

山居

四要

又方用平胃散末冷水調傅乾則換之

山居四要

治小兒面上生瘡如火燒用黃梁米粉蜜水
調傅或用雞子白和傅

治小兒頭瘡及浸淫惡瘡用胡麻生嚼塗之
大效

治小兒頭身諸瘡用鷄子殼燒灰研和猪脂
傅之

治小兒甜瘡久不愈多生於面部兩耳前令
乳母口中嚼白米成膏塗之不過三五上
則愈小兒并乳母皆忌雞猪魚兔酒醋動
風發熱之物

治小兒頭瘡用蓼實搗末和蜜或雞子白塗

上虫出不作癩

治白秃用白頭翁根搗傅一宿或作瘡二十日愈

又方用甜瓜蔓不拘多少河水浸壹宿沙鍋熬取極苦汁濾去滓慢火熬成膏盛瓷器中先剃頭去盡瘡加死血出盡以河水洗淨却用膏壹盞加半夏末三錢生姜自然汁壹兩匙拘膽壹枚同調不過二三兩上立可大忌鷄猪魚免動風發熱之物

治白秃用鷄窠中草白頭翁花燒灰爲末先以酸泔水洗淨後用臘猪脂和藥塗之三五次卽效

治小兒頭瘡白秃用莽草葉爲末密調塗并煎湯洗勿令人眼及與白欬赤小豆爲末鷄子白調如糊貼毒腫乾卽易

金匱釣玄

解顛乃母虛氣與熱多耳四物湯四君子湯有熱加酒炒黃連生甘

草

右川水煎服外用帛束緊以白歛末調付
癩頭用白炭火淬長流水令熱洗之次服防
風通聖散

大黃酒炒 胡荽子 伏龍肝 倒吊屋
塵 黃白凡

右為末付之

又方松樹厚皮燒灰二兩白膠香熬化傾石上二兩
黃丹火飛壹兩白凡火飛半兩硬石膏研極細一兩黃

連半兩大黃兩半輕粉二錢半

右為細末熬熟香油調先洗去瘡痂付上
備須百要方

小兒頭瘡黃蘗細末冷水和付

又梁上塵和油付先以皂莢湯洗之

又生胡麻嚼付

又榆白皮末和醋付

小兒頭面及身無名惡瘡牛屎燒灰和醃醋
付

又狸骨燒灰和油塗大人亦佳

小兒頭瘡馬骨燒灰和陳醋付

小兒耳後月蝕瘡地龍屎和猪脂付

小兒白禿瘡陳香脂和胡粉付之

頭面食治

食醫心鑑

治小兒髮稀乍寒乍熱黃瘦無力宜喫生地黃粥方

生地黃汁一合 紅米一合

右煮作粥臨熟下地黃汁攪調和食之

頭面鍼灸

千金方

小兒顛陷方灸臍上下各半寸及鳩尾骨端

又足太陰各一壯

凡眼疾之起不一其因或因風火或因勞傷或因風寒或因濕熱或因燥火或因虛火或因痰火或因血火或因氣火或因神火或因心火或因肝火或因脾火或因肺火或因腎火或因胆火或因三焦火或因六腑火或因五臟火或因六淫火或因七情火或因八風火或因九氣火或因十毒火或因百病火或因千劫火或因萬劫火或因無量劫火或因無量劫火或因無量劫火

凡眼疾之起不一其因或因風火或因勞傷或因風寒或因濕熱或因燥火或因虛火或因痰火或因血火或因氣火或因神火或因心火或因肝火或因脾火或因肺火或因腎火或因胆火或因三焦火或因六腑火或因五臟火或因六淫火或因七情火或因八風火或因九氣火或因十毒火或因百病火或因千劫火或因萬劫火或因無量劫火或因無量劫火或因無量劫火

眼

目錄

論

聖惠方

治小兒眼赤痛諸方

羚羊角散 梔子人散 决明散 龍腦

散 羚羊角散 真珠散 胡黃連散

牛黃丸 黃連水藥煎 牛黃膏

治小兒眼胎赤諸方

升麻散 麥門冬散 牛黃丸 黃連丸

杏人膏 銅青散 龍腦煎 黃連煎

黃蘗湯 玉筋煎

治小兒眼生翳膜諸方

車前子散 黃芩散 殺羊角散 苦竹

葉散 旋復花散 兔肝丸 青箱子丸

龍腦膏 真珠膏 麩人煎 石決明散

珊瑚散

治小兒青盲諸方

羊子肝散 菊花散

治小兒雀目諸方

夜明沙散 煮肝石決明散 仙靈脾散

治小兒緣日生瘡諸方

黃連散 遲角散 細辛丸 黃連丸

白礬煎 黃連煎 竜腦煎 梨汁煎

猪膽煎

小兒藥證直訣

地黃散

保童秘要

宣明論

牛黃散

御藥院方

牛黃散 羚羊角散 寒水散

得效方

小兒通睛

牛黃膏

小兒斑瘡入眼

柴胡散

小兒臉中生贅

小兒疳眼

小兒青盲

肘後方

省翁活幼口議

至妙立消膏 生乾地黃湯 小防風湯

小流氣飲 小菊花膏

經驗良方

衛生易簡方

藥湯九不可專行一法男十八已上始與大人同醫十三十四又共十歲殊別或有愚醫療眼不看大小調和唯將壹藥而救衆病遇者微瘳疾狀不言長幼輕重使用壹藥同治節候失宜枉瞎人目此徒蓋甚良由管見經方尋逐妙論不長致使損傷無定今故錄條例以示後人子細尋求萬無一失若周歲百日已下及初生小兒患眼皆因乳母飲酒麵多氣宣入乳中致使然也或因生後包裹傷

溫不解將節便令患眼可作湯藥先與母服之然後與兒飲予療之若乳母體虛未能服冷藥小兒可與別人飲之乳母即須忌熱毒食不爾飲牛乳亦佳不可針割亦不宜傳諸毒煎七寶等散唯冷將息即差上下臉腫不開亦可微微鎌之與額熱毒藥額之上下臉乾即易療之眼開漸可若以障翳忌鈎割小兒眼嫩不可傳藥及喫諸雜藥但冷將息障白消小兒眼論體長未定縱重已後三二年

亦可治不可傳藥及水烙與大人殊不同唯
得小小善煎或有腫微鎌之若十歲已下五
歲已上可得鑄傳藥亦須細審疾狀輕重加
減進之亦非鈞割限爲未知將息故不可割
傳藥亦不得頻頻卽令作通睛小兒力弱故
爾若上下臉生息肉無妨若是翻花息肉可
剝除亦得也若十五六已上漸與大人同方
從小患內障不中治者多須子細審看強弱
節候無失

和劑指南

論小兒雀目證

雀目日間都無事遇夜不見物者是雀目也
可時常與五福化毒丹臨卧用粟米飲調下
治病百法

疳眼

夫小兒疳澁眼數日不開者乃肝木風熱之
致然也可煩服涼膈散數服眼開而愈
十形三療

目叢

清州王之一子年十余歲目赤多淚衆工無効戴人見之曰此兒病目叢當得之母腹中被驚其父曰姪娠時在臨清被圍戴人令服芫蕪散加蔚金上涌而下泄各去涎沫數升人皆笑之其母亦曰兒腹中無病何吐瀉如此至明日其目耀然爽明李仲安見而驚曰寄哉此法戴人其日又與頭上出血及眉上鼻中皆出血吐時次用通經散二錢舟車丸

七十粒自吐却少半又以通經散壹錢投之明日又以舟車丸三十粒投之下一八行病更不作矣

雜記九門

赤目

一小兒名德孫眼發赤其母買銅礫欲洗兒目煎成家人誤與兒飲之須臾大吐吐訖立開省翁活幼口議

摠議小兒眼患

除疳蝕斑痧二證外皆由五臟所積熱毒而作又有胎內受氣乘母所食熱毒稍長因毒相觸忽作障瞶不由腫赤熱毒積成其候者此等決定難醫若加寒涼之藥壞害尤甚若赤種眵淚疼痛醫膜謹謹與忌其熱毒之物清心涼肝順氣行血解熱散毒認證瀉臟常宜用四順清涼飲隨風熱毒所發輕重加藥與服萬一剋效不必執滯方藥指證攻療蓋

小兒無患氣眼所患卽與大人不同至重者謂赤腫等俱作宜與利下卽便解散若有瘀血眼胞內外四維腫盛卽從鼻中取出敗血立愈旣無氣眼不作攀努雖有赤脉貫睛亦是熱毒所致卽不可鈎鎌鉞割凡當利下並以大黃藥洗心散之屬乃佳

聖惠方

治小兒眼赤痛諸方

夫肝氣通於目藏內有熱與胃膈痰飲相搏

熏漬於肝熱氣衝發於目故令眼赤痛甚則生翳也

治小兒肝藏風毒上衝眼赤痛開張不得頭額疼痛冷羊角散方

羚羊角屑半兩甘草半兩炙葳蕤微赤剉防風去蘆

頭甘菊花細研牛黃入玄參赤芍藥

黃芩已上各壹分梔子人

右件藥擣麤羅為散每服壹錢以水壹小盞煎至六分去滓入牛黃壹字量兒大小

分減溫服

治小兒眼風熱澀赤痛梔子入散方

梔子人黃芩犀角屑龍膽去蘆赤

芍藥黃連去鬚川大黃剉微炒甘草炙微赤剉已上

各半兩

右件藥擣篩為散每服一錢以水一小盞

煎至五分去滓溫服量兒大小以意加減

治小兒赤眼澀痛不開由膈中有熱宜服決

明散方

决明子 子芩 柴胡去苗 川大黃判微炒 川

升麻 梔子人 羚羊角屑 甘草炙微赤

已上各半兩 石膏壹兩

右件藥搗麤羅爲散每服壹錢以水壹小

盞入竹葉七片煎至五分去滓不計時候

隨兒大小加減溫服

治小兒熱毒眼疼痛赤澀熱淚不止方

玄參 决明子 甘草炙微赤 黃芩 梔子

人犀角屑 牛黃細研已上各半兩 龍腦半錢細研

右件藥搗細羅爲散都研令勻每於食後

以蜜水調下半錢五歲已上增之

治小兒肝藏壅熱兩眼赤痛龍腦散方

龍腦一錢細研 梔子人 黃芩 麥門冬去心焙

地骨皮 川升麻 犀角屑已上各半兩 牛黃

青分 川大黃壹兩判微炒 甘草壹分炙

右件藥搗細羅爲散每於食後以溫水調

下半錢五歲已下可服一字

治小兒肝藏風熱上注眼目赤腫疼痛羚羊

角散方

羚羊角屑 犀角屑 赤芍藥 已上各黃

連 去鬚 馬牙消 朱砂 細研已上 川升麻

牛黃 細研 天竹黃 細研 芎藭 當歸 剉微炒 甘草

炙微赤剉已 止各半兩

右件藥搗細羅為散入研了藥令勻每服

煎竹葉湯放溫調下壹錢量兒大小以意

加減

治小兒肝藏風熱上攻於眼目赤痛真珠散

方

真珠末 壹分 青箱子 壹分 牛黃 細研 黃連 去鬚 甘

草 炙微赤剉已 蔓菁子 兩

右件藥搗細羅為散入研了藥都研令勻

每服以熱水調下半錢量兒大小加服之

治小兒肝藏久積風熱毒上攻兩眼赤痛宜

服胡黃連散方

胡黃連 一分 真珠末 一分 梔子 兩 甘草 兩

赤剉

右件藥儔細羅爲散入真珠粉同研令勻
每服一字濃煎竹葉湯溫溫調下不計時
候量兒大小加減服之

治小兒肝心壅熱上衝眼赤腫疼痛牛黃丸

方

牛黃

壹分

朱砂

半兩

細研

熊膽

壹分

龍腦

一錢

黃連

水

半兩

膩粉

壹錢

右件藥都研令勻鍊蜜和丸如麻子大不

計時候以溫水下五九量兒大小以意加

減

治小兒熱毒眼赤痛黃連水藥煎方

黃連

去鬚

麩人

湯浸去

杏仁

四十九枚

湯浸

去皮尖

入黃蘗

剉

青蘘

已上各

膩粉

壹錢

龍腦

細研

右件藥搗細羅爲末入研了藥令勻以生

絹袋盛用雪水二大盞浸藥一七日取出

藥袋子將藥汁灌在竹筒內密裏封坐在

重湯鍋中煮一復時掘地坑子深三尺埋

壺宿取出入龍腦攪令勻以堯瓶盛旋取

點之

治小兒暴赤眼澀痛神効方

龍腦半錢

秦皮半斤

黃連半斤

甘草半斤

馬牙消過

鍊

細研已上各半兩

右件藥搗羅為末用水壹大盞浸藥壹宿

以銀銚子煎至五分以新懸濾過入龍腦

攪令勻用堯器盛日三度以銅筋點之

治小兒暴赤眼澀痛點眼方

黃連末壹分

膩粉半錢

杏仁壹分

湯浸去皮尖

麩人半分

分

湯浸去皮

右件藥先將杏仁麩人爛研如膏後入黃

連膩粉相和研了以新懸厚裏却以新汲

水半小盞於淨器內浸藥半日換取汁日

三四度點之

又方甘蔗汁三合

黃連末半兩

兩

右件藥於銅器中以慢火熬養令汁減半

以懸濾每日三四度點之

又方龍腦壹錢

川朴消兩半

兩

右件藥都研令細每用如菜豆大日三四
度點之

治小兒眼暴赤痛點眼方

雞子壹枚黃連末兩半

右取雞子敲破頭作小窠子出黃取清調
拌黃連末却內雞子殼中以蠟紙封裏於
青泥溝中浸三兩日不得令沒取出日三

四度點之

又方杏仁壹分湯浸龍腦三豆
去皮尖許大

右件藥先研杏仁後入龍腦同研如膏頻
點少許目背中差

治小兒目暴赤熱毒腫痛方

麩人一分去黃連末兩半

右件藥同研以絲裏內雞子白中浸一宿
後和如膏以半小豆大點目兩背良久用
熱水洗之

治小兒眼痛赤洗眼方

黃蘗壹兩秦艽一兩麩人半兩湯乾棗一七
去苗去苗去皮去皮

核

右件藥細剉以水三大盞煎至二盞去滓
放溫時時用洗之

又方生地黄兩一黃芩兩一決明子兩一竹葉兩一

赤芍藥兩一

右件藥細剉以水二椀煮一二十沸去滓

澄清日三四度洗之

治小兒眼赤痛不能開方

竹瀝三合人乳汁一合

右件藥相和以絲濾過時時拭眼中月內
兒及三歲已下並宜用之

又方黃連半兩川朴消一兩

右件藥擣細以絲裏用乳汁浸半日時用

點之○保童祕要黃連二文朴消許少右並

於乳汁中漬之日三度點每度點一茶荳

許

治小兒肝藏風熱上攻於目疼痛不止宜用
牛黃膏方

牛黃分一兩川大黃生用

右先搗羅大黃為末與牛黃同研令勻以
生地黄汁調如稀膏勻於紙上貼眼候乾
時時以冷水潤之如食頃間重換

治小兒葶內患赤眼方

黃連壹錢黃蘗壹錢

右件藥細剉以好汁浸半日絲裏瀘去滓

頻點之

治小兒眼胎赤諸方

夫小兒眼胎赤者是初生洗目不淨令穢汁
浸漬於背中使驗赤爛至大不差故云胎赤
也

治小兒眼胎赤風毒所攻腫痛升麻散方

川升麻 黃耆剉玄參 甘草炙微赤剉

兩犀角屑 防風去蘆頭蕤人湯浸去皮已

右件藥搗麤羅為散每服壹錢以水一小

盞煎至五分去滓入竹瀝半合更煎一兩

沸量兒大小分減溫服日三四服

治小兒眼胎赤腫痛上膈壅熱麥門冬散方

麥門冬去心焙犀角屑川芒消防風去蘆

頭甘草炙微赤剉已旋復花壹分

右件藥搗麤羅為散每服一錢以水一小

盞煎至五分去滓量兒大小分減溫服日

四五服

治小兒眼胎赤久不差牛黃丸方

牛黃一分黃連半兩決明子一分麩人湯壹分

皮犀角屑半兩竜腦壹錢

去蘆細研

右件藥搗羅為末鍊蜜和丸如麻子大每

服以溫水下五九日三四服更隨兒大小

以意加減

治小兒胎赤皆爛黃連丸方

黃連一兩防風去蘆竜膽去蘆川大黃剉

炒細辛已上各半兩

右件藥搗羅為末鍊蜜和丸如棗豆大每

服以溫水下七九日三服量兒大小加減

服之

治小兒眼經年胎赤兼有翳膜杏人膏方

杏人一兩湯浸去皮膩粉錢一藍綠一分黃連一分

末壹分

右件藥同研令勻以真酥調如膏攤於銅

椀內以熟艾如鷄子大坵小坵內燒艾

烟出便覆銅椀於上熏之勿令洩氣候煙

盡為度更重研令勻每取少許以絲裏用

人乳汁浸一宿日三四度點之眼良大小

治小兒眼胎赤經年月深遠者宜點銅青散

方

銅青壹錢膩粉錢一竜腦半錢乾地龍一條為末

右件藥研令極細每用半小豆許點著目

皆日壹兩度用之

治小兒眼胎赤龍腦煎方

竜腦壹錢藍綠兩半麩人壹分湯浸去皮

右件藥都研令細以蜜調似面脂每日三

兩上點之

治小兒眼胎風赤爛不以年月發歇頻頻視

物淚出澀痛不可忍黃連煎方

黃連

壹兩去鬚

盧會

壹分

龍腦

壹錢別研

右件藥先將黃連盧會搗羅爲末以新絲
裏用水壹大盞於銀器中以重陽煮候藥
汁三分減二卽去藥絲入龍腦以瓷瓶子
內收每日三兩上點之

治小兒眼胎赤及生瘡怕見風日方

龍腦

半錢細研

麩人

一分湯浸去皮研

杏人

壹兩湯浸去皮尖雙

研人

右件藥滴少水都細研如乳汁每日三四
度點之

治小兒眼胎赤痒痛方

龍腦

半錢細研

桑葉

五兩燒作灰

右件藥以水一升半先煎桑葉灰取半升
絲濾去滓後入龍腦攪令勻日三四上少
少點之

治小兒胎赤眼洗眼黃蘗湯方

黃蘗

壹兩剉

秦皮

兩一麩人

壹分湯浸去皮

右件藥搗篩爲散每取五錢以水一大盞
入棗五枚煎一二三沸去滓適寒溫洗之

治小兒胎赤眼及風赤眼 竊煎方

虬蟲 二條小兒口中
吐出者爲上

右將蟲於堯合子中盛用紙裹向濕地埋
五十日後取出其蟲化爲水以堯瓶子盛
每日以銅筋點少許著目皆頭及夜卧時
再點之

治小兒眼胎赤及生瘡方

馬牙消 半兩
細研

右取臘月猪膽三枚內消入膽中浸之陰
乾後取消出以少許龍腦同細研點之

治小兒眼生翳膜諸方

夫眼是腑藏之精華肝之外候而肝氣通於
眼也小兒藏腑積熱熏漬衝發於眼初目熱
痛熱氣蘊積變生障翳熱氣輕者生白翳結
聚小者如黍米大者如麻豆隨其輕重翳生
重者乃至兩三翳也若 巢氏病
源若不生翳而生白

障者是病重極徧覆黑睛滿眼悉白則失明也其障亦有巢源亦有輕重輕者黑睛邊微有白膜來侵黑睛漸染散漫若不急治則滿眼併生白障也又眼翳暈者五藏煩壅攻於肝也或胎內傷於風熱赤澀盈盈或腦熱下流或斑瘡入眼侵黑睛者是也

治小兒肝熱眼生翳膜或生血輪脹切須急療宜服車前子散方

車前子

防風

去蘆頭

甘菊花

甘草

炙微赤剉

人參

去蘆頭

芥苳子

青箱子

已上各壹分

梔子

人

半兩黃連

半兩去蘆

右件藥搗麤羅爲散每服一錢以水壹小盞入淡竹葉七片煎至五分去滓溫服日三四服量兒大小以意加減

治小兒眼生翳膜體熱心煩黃芩散方

黃芩

決明子

防風

去蘆頭

川升麻

川

大黃

剉微炒

甘草

炙微赤剉已上各壹分

右件藥搗麤羅爲散每服一錢以水一小

蓋入淡竹葉七片煎至五分去滓溫服日三四服量兒大小增減服之

治小兒眼生白翳殺羊角散方

殺羊角屑 川大黃剉微炒 桑根白皮剉真

珠末 甘菊花已上各青分 甘草半分炙微赤剉

右件藥搗細羅爲散每服以溫水調下半錢日三四服量兒大小加減服之

治小兒眼生翳膜下垂苦竹葉散方

苦竹葉兩半 知母 川升麻 川大黃剉微炒

甘草炙微赤剉 梔子人已上各壹分

右件藥搗細羅爲散兒三五歲者每於食後以溫淡漿水調下半錢兒稍大以意加之

治小兒從下生赤膜上漫黑睛旋復花散方

旋復花 桑根白皮剉 羚羊角屑 赤芍

藥 玄參已上各壹分 甘草半分炙微赤剉 黃連半分去鬚

右件藥搗細羅爲散每服壹錢以水壹小盞入竹葉七片煎至五分去滓溫服日三

四服量兒大小以意加減

治小兒五歲已下肝藏熱毒目生丁翳方

黃芩 川升麻 甘草炙微赤剉已 葳蕤

玄參 犀角屑已上各

右件藥搗麤羅為散每服壹錢以水一小

盞煎至五分去滓溫溫分為二服日三四

服

治小兒眼生赤翳兔肝丸方

兔肝半兩 梔子人兩 黃連半兩 川升麻三

分

決明子叁分 細辛分 蕤人半兩湯浸 羚羊角

屑半兩

右件藥搗羅為末鍊蜜和丸如菉豆大三

歲已下以溫水研三丸服之日三四服兒

稍大即增丸數服之

治小兒眼有翳膜遮睛青箱子丸方

青箱子 蚬蛇膽 熊膽 馬牙消各半

帝腦半錢

右件藥搗羅為末鍊蜜和丸如菉豆大每

服以溫水研化五丸服之日三四服量兒
大小以意加減

治小兒眼赤生翳膜宜點龍腦膏方

龍腦細研麝香細研膩粉 麩人湯浸去皮黃連去鬚

以上各半分 馬牙消兩

右件藥擣細羅為散都研令勻入白蜜四
兩同入在一瓷瓶中密封頭於炊飯甑內
蒸飯熟為度每日三四度以銅筋取少許
點之

治小兒熱風眼生翳膜宜點真珠膏方

真珠末 竜腦 麩人湯浸去皮膩粉 朴消

青蘄 朱砂已上各一分

右件藥細研如粉以酥和如膏每點如黍
米大日三四度點之

治小兒眼生翳膜瞳人昏昧宜用麩人煎點
方

麩人壹分湯浸去皮黃丹半分井蘄半分黃連末壹兩龍

腦半錢麝香壹錢蜜五兩

右件藥除麝香龍腦蜜外先將麩人等都
細研以水壹大盞入蜜同煎令稀稠得所
用新絲濾去滓入麝香龍腦末調攪令勻
入瓷器中盛每用銅筋點少許日兩度神
効

治小兒眼生翳膜宜點石決明散方

石決明壹分搗龍腦半錢膩粉壹錢黃丹一錢

麝香半錢

右件藥同研令極細每於夜卧時取少許

點之

治小兒眼生障翳及努肉宜點此方

龍腦 珊瑚 真珠末 石決明已上各壹分

右件藥都研細如粉以白蜜壹合相和更
研令勻以瓷器盛不計時候將用點之卽
差

治小兒眼生黑翳覆瞳子方

空青壹分貝齒壹枚白礬壹分

右件藥都研令細取如黍米大點翳上日

再點之

治小兒眼赤及翳方

貝齒壹兩

右細研如粉每用黍米大著翳上日再點之

治小兒眼生白膜方右用雄雀糞以人乳汁

熟研以傅翳上當漸漸消除○備預百要

方小兒眼白膜漸覆瞳子雄雀屎研乳小點白中

治小兒眼有障翳珊瑚散方

珊瑚兩

右細研如粉每點時取如黍米大內在翳

上日再點之

又方馬瑙半兩

又右細研如粉每用時取如黍米大點在翳

生合中

又方楸葉

三兩嫩者○保童秘要

右爛搗以紙裏更將泥重苞著猛火燒之

候泥乾即取出去泥入水少許絞收汁以
又銅器盛慢火漸漸熬之令如稀飴即貯入
窰合中每日一度點一菜荳許

又方書中白魚爲末點少許翳上即愈
又方露蜂房兩

右以水二盞煮五七沸去滓溫溫洗之即
差

治小兒青盲諸方

夫眼無障翳而不見物者謂之青盲此由小

兒藏內有停飲而無熱但有飲水停積於肝
也目是五藏之精華肝之外候也肝氣通於
目肝爲停飲所漬藏氣不宜通精華之不明
審故不赤痛亦無翳而不見物名曰青盲也
治小兒青盲不見物羊子肝散方

麩人壹分湯防風壹分去香豉壹分井泉
石半兩細研

右件藥搗細羅爲散用羊子肝壹片并藥
同卓肝令爛四五歲兒分作二服以新汲

水下甚者不過三四服隨兒大小以意加減

治小兒青盲及雀目菊花散方

甘菊花青分牯牛膽一枚寒水石壹分雌鷄肝壹枚

陰乾

右件藥搗羅細為散取猪肝血調下牛錢

不過三五服驗兼退翳自然見物更量兒

大小以意增減

治小兒青盲不見物方

鼠膽 鯉魚膽 各一枚

右件二味相和點眼用之立効

治小兒青盲腦痛方

鯉魚腦 鯉魚膽 各等分

右件藥相和令勻點背中日三四度神効

治小兒青盲眈眈不見物方

真珠 半兩研 白蜜 壹合 鯉魚膽 壹枚

右件藥相和煎一兩沸候冷點眼中當淚

又出藥歇即效

又方右用猪膽壹枚微火上煎之良久候冷
點如黍米大效

治小兒雀目諸方

夫小兒有晝而精明至晚便不見物謂之雀
目言如鳥雀瞑便無所見也

治小兒雀目日晚無所見夜明沙散方

夜明沙半兩細辛一分羌活壹分薑石半兩擣碎細研

小飛過

右件藥擣細羅為散都研令勻每服一錢

用白羊子肝半枚粟米二百粒水一中盞

煮米熟去肝放冷漸漸服之兒稍大并肝

食之

治小兒雀目及疳眼宜服煮肝石決明散方

石決明細研井泉石 蛤粉 穀精草各半兩

右件藥擣細羅為散每服壹錢取白羊子

肝壹枚劈開入藥末以米泔壹中羅煮熟

空心與食量兒大小以意加減

治小兒雀目至暮無所見仙靈脾散方

仙靈脾根兩半晚蠶蛾半兩射干壹分甘草壹分

炙微赤剉

右件藥擣細羅為散用羊子肝壹枚切開

糝藥一錢在內以線繫定用黑豆合米

泔壹大盞煮熟取出分為二服以汁下之

又方老栢白皮兩一烏梅肉半兩細辛兩半地膚

子壹兩車前子兩半

右件藥擣細羅為散每服以粥飲調下半

錢量兒大小以意增減

又方細辛 麥門冬去心焙 甘草炙微赤剉 秦皮

麩人湯浸去皮細研已上各壹分

右件藥擣羅為末以白羊子肝壹枚去筋

膜爛研和丸如棗荳大每於食後以冷水

下五丸五歲已上增之

又方烏梅肉微炒 槐子微炒 槐子黑仁各三分 黃連

去鬚 防風去蘆頭已上各壹兩 黃牛

膽取汁 防風要四分 防風要四分 黃牛

右件藥搗羅為末以牛膽汁拌和令勻曝

乾重搗羅為末鍊蜜和丸如菜豆大秘要

三歲每日空心以溫水下五丸秘要三歲已下

每服五丸量兒大小以意加減

又方穀精草半兩甘草半兩乾薑壹分

右件藥搗羅細為散用麩壹兩作燒餅子

樣用藥三錢入在中間安慢火內煨令熟

用好茶下之每日早晨壹服至三日後見

物多時者不過五服見效無問大人小兒

並治小兒即量其大小加減

又方地膚子半兩決明子半兩

右件藥搗羅為末以粟米飯和丸如菜豆

大每日空心以粥飲下七丸至夜再服量

兒大小以意增減

又方夜明沙半兩黃芩半兩

右件藥搗細羅為散用米泔卓猪肝汁調

下半錢日三服三歲已上增之

又方蒼朮半兩剉微炒

右件藥搗細羅爲散每服壹錢用羊子肝壹具以米泔煮熟分半具細切拌藥與兒食之至晚再服五歲已上卽頓服未與食兒不可與服

治小兒雀目立見物方羊子肝一具薄切作片子鄆州蛤粉壹錢勻糝在肝內繫定以水煮熟服之五歲已下分減與喫

又方牽牛子

一兩

右件藥搗細羅爲散用羊子肝一片切入

末一錢拌肝用白麵作角子兩箇炙令黃色候冷服之以粥飲下量兒大小加減服之

又方夜明沙

一兩微炒細研

右件藥豬膽和丸如菘豆大不計食前後以粥飲下五九三歲已下三九

治小兒緣目生瘡諸方

夫小兒緣目生瘡者由風邪客於臉背之間與血氣相搏挾熱則生瘡浸漬緣目赤而有

汁時差時發世云小兒初生之時浴兒不淨使穢露浸漬臉背後遇風邪發則目赤爛生

疥難差差後還發成疹也巢氏病源世人謂之胎赤

治小兒肝熱衝眼緣目生瘡黃連散方
黃連半兩 赤芍藥 蕤人湯浸去皮 木通剉決
明子 梔子仁 黃芩 甘草炙微赤剉
分

右件藥搗麤羅為散每服壹錢以水壹小盞入竹葉七片煎至五分去滓溫服日三

四眼暈兒大小以意加減

治小兒赤眼疼痛緣目生瘡難開澀痛及有

熱淚犀角散方

犀角屑 羚羊角屑 防風去蘆 玄參

黃芩剉已上 柴胡半兩 大黃半兩

剉微炒 馬牙消半兩 木賊剉 桑寄生剉 艾葉剉 艾草剉

右件藥搗麤羅為散每服壹錢以水壹小盞煎至五分去滓溫服日三四服量兒大

小增減服之

治小兒緣目生赤瘡及生翳細辛丸方

細辛去鬚黃連去鬚膚會去鬚桑根白皮剉甜葶

麤隔紙炒令紫色麩人半兩湯浸去皮鱗半錢

右件藥搗羅為末鍊蜜和丸如棗豆大每

服以溫水下七九日三服三歲已上即服

五丸

治小兒緣目及皆爛作瘡黃連丸方

黃連半兩剉微細辛去鬚龍腦去蘆

防風去蘆玄參已上各

右件藥搗羅為末鍊蜜和丸如棗豆大每

服以熱水下五九日三服量兒大小以意

加減

治小兒緣目及皆爛作瘡腫痛白礬煎方

白礬一分燒為灰黃連半兩青錢文十

○秘要防風三分去朴消三分地黃汁合

蜜二合○秘要三合

右件藥搗細羅為散用絲裏內壹青竹筒

中入地黃汁及蜜以絹油單蓋緊繫筒口

於炊飯內蒸之候飯熟即瀉出以絲瀘過
日三四度取少許塗之秘要點半
茶匙許

治小兒眼赤痛及緣目生瘡黃連煎方

黃連半兩童子虻蟲五條吐
出者竜腦半錢蜜

二兩

右件藥除竜腦外入在瓷瓶中於炊飯中

蒸候飯熟為度以綿濾去滓取汁入竜腦

令勻日三四度點之

治小兒風熱致緣目生瘡赤痛竜腦煎方

竜腦半錢川芒消一分膩粉半分蜜二兩黃丹壹分

右件藥同入竹筒內以重湯煮壹日以絲

濾過於瓷瓶內盛每日三四度點之

治小兒熱毒衝眼緣目生瘡熱疼不止梨汁

煎方

大鵝梨壹枚去
皮核黃連末二錢竜腦壹錢

右先將梨爛研絞取汁絲裏黃連末於梨

汁內浸半日入竜腦令勻日三五度點之

治小兒緣目生瘡腫痛猪膽煎方

猪膽壹枚龍腦錢一馬牙消半

右件藥合研令勻內猪膽中半繫懸於玉方陰乾後取出內瓷合中每以麻子許水化日三四上點之

又方黃連半兩杏人一分易浸去膩粉半

右件藥以裏絲冷水壹小盞浸壹宿後每日三五上點之

治小兒緣目皆爛作瘡方

青錢二十青塩壹兩

右件藥相和先以濕紙數重包又用泥裹候乾於猛火中燒令赤放冷剝去泥紙後擣細羅為散每取一棗豆許以津調塗瘡上

又方黃蘗 黃連去梔子人各半

右件藥細剉以水壹大椀青塩一分煎十餘沸以絲濾過溫溫洗之日三兩度用之

小兒藥證直訣

批黃散治小兒心肝壅熱目赤腫痛生赤脉

或白膜遍睛四邊散漫者猶易治若暴遮黑睛多致失明宜速用此方亦治瘡疹入眼

生熟乾地黄各切當歸去蘆頭切焙防風

去蘆羌活頭焙生犀末頭足木賊

穀精草錢白蒺藜去沙苑蒺藜各壹錢甘草

壹錢半玄參錢壹本有黃連去大黃去皮取實

者略炒木通一錢半又壹本

右為細末每服壹字或半錢量大小加減

煎羊肝湯食後調下日三夜一忌口將息

亦治大人人合煎

保童秘要

腦熱常閉目諸方代煎

青箱子壹黃芩壹大黃各壹分蜀漆炙甘草壹分

右以水五大合煎取三合去滓服

又方取礬壹皂子大以水壹胡桃許消之入

大黃末少許同調如泥逐時於眼臉中塗

之

之

又方大黃壹分右以水三大合煎取壹合半去

滓每服半合分又方升麻黃蓮各一分梔子一枚草決明子三分

右以水五合煎取二合去滓壹日內漸漸

與服之

腦熱青脉脹諸方

竹葉七片大黃壹分升麻壹分犀角各壹分蚬蛇膽壹分

湯成下

右以水五大合煎取二合研蛇膽入當日

與服之

又方大黃

梔子仁 郁李仁別搗黃芩各二分甘草炙蚬蛇膽去皮升麻各壹分檳榔仁三枚朴消四分常山兩息

右為末蜜和為丸如梧子大每日十歲兒

空腹溫水研化下五丸

目睛上有碧色諸方

夫睛上有碧色者此是腦疳兼熱所致也

宜服此方

宜服此方

宜服此方

宜服此方

宜服此方

宜服此方

青箱子

黃連

各二分

大黃

蜀升麻

各三分

滑石

壹分

右剉以清水五合煎取一合澄清更研蘆

會一紅荳大入之每日三度少少點之

又方蚌蛇膽

各三分

梔子仁

各二分

朴消

黃連

竜膽

各壹分

右爲末蜜和爲丸如梧子大每壹歲兒空

腹壹日以溫水研化七丸與服之

目睛上有翳諸方

兔肝

細辛

各壹分

黃芩

梔子仁

各三分

黃

蓮

决明子

各三分

麩仁

六分

研如泥

右爲末蜜和丸爲如梧子大三歲已下每

服空腹以溫水研化下五丸日再服

又方黃芩

甘草

防風

升麻

大黃

各壹分

竹葉

二分

右以小五入合煎取二大合去滓一歲兒

壹日服壹大合

又方珊瑚

壹

竜腦

豆

紅

又右極細研以兩重絹羅過每日兩度點之
每度點一米粒大

又方馬何壹分入合煎取三大合去滓一匙服

右極細研以兩重絹羅過日每三度點之

又每度點膏米粒大風代麻大黃

日睛上有白膜諸方

白攀壹分入合煎取三大合去滓一匙服

右以清水四大合於熟銅器中煎取半合

土滓下白蜜少許勻調再以綿濾過每日

三度點之每度點一菜荳大時後方同

又方蝮蛇膽二分熊膽一分青箱子馬牙消各壹分

右為末蜜和為丸如梧子大每壹歲見一

服三在溫水研化下

目皆爛作瘡諸方

青古錢二十文搥半兩

右相和以紙苞更用泥封裹於猛火中燒

壹伏時取出去泥擣為末重絹羅過每日

早取壹葉荳許以津調塗瘡上

又方熊膽二皂子大朴消壹分

右以清水一大合熟研綿裏濾過每日三度點之每度點兩米許

又方黃蓮防風 竜膽根各二分 大黃四分 細

辛十截各長二寸許

右爲末蜜和爲丸如梧子大三歲已下一日服七丸温水研化下

赤眼諸方

竹葉切取半分 黃芩二分 甘草一分 升麻各壹分 寒水

石五分

右除寒水石研外餘並細剉一處以水六大合煎取二合半去滓二歲已下分作兩服

又方黃連壹分 青銅錢三分

右一處以水一盞於淨器中煎取三分候冷入竜腦少許不計時候點之如是風眼卽更入杏仁防風各一分同煎大人亦理

青風諸方

夫青風者有青色先起於眼邊漸次腫是也

漢防二分小麥二分合淨淘洗

右以水五大合煎取二合半去滓一歲兒一日與壹合服之

又方乳頭香一合

右以水細研於腫處薄薄塗之乾即易

宣明論

牛黃散治小兒上焦壅熱諸眼疾

肉桂

鬱金

各一兩

馬牙硝

四兩

甘草

半兩並生

右為末如患眼三五年喫三五兩便差每

服壹錢新汲水調下垂枕卧片時若是小

兒十歲服半錢五歲已下服壹字永無驚

疳癩風患服之神効

御藥院方

牛黃散治心肝藏風熱致眼偏視宜服之

牛黃

壹錢細研

犀角屑

甘菊花

天麻

槐

子 人參去蘆頭 芎藭 防風去蘆頭 車前子

决明子 黃耆剉 蔓荆子已上各半兩 朱砂壹分

細研 龍腦壹錢 甘草一分炙 羚羊角屑半兩

右件藥搗細羅爲散入研了藥同研令勻

每於食後以竹葉湯調下壹錢臨卧再服

羚羊角散治眼風邪所攻瞳人不正顧視常

偏宜服

羚羊角屑壹兩 犀角屑壹兩 龍腦壹分 牛黃

一分 朱砂細研 赤芍藥 甘菊花 細辛

防風去蘆頭 酸棗人微炒 沙參去蘆頭 蔓荆子

玄參 人參去蘆頭 麩人去赤皮 天竺黃半兩

研 蜜蒙花一兩 甘草半兩炙

右件藥搗細羅爲散入研了藥更研令勻

每於食後以竹瀝湯調下二錢

寒水散治肝風暴赤目睛偏視

青黛壹錢 大豆三錢 馬牙消二錢 黃連

錢 黃蘗三錢

右件同搗羅爲細末每用壹錢蜜少許冷

水調成膏緋絹作花子如小錢大攤藥於
上貼大陽穴病左貼右病右貼左
得效方

小兒通睛

嬰兒雙眼睛通者欲觀東邊則見西畔若振
掉頭腦則睛方轉此肝受驚風宜服牛黃膏
牛黃壹錢犀角二錢金銀箔各五片甘草壹分
右爲末蜜圓菘豆子大每服七圓用薄荷
湯吞下

小兒斑瘡入眼

眼胞患斑瘡熱氣衝透睛中疼痛淚出翳如
銀片腫澁難開宜服柴胡散

柴胡

黃芩

芍藥

各半兩甘草壹分

右判散每服三錢水壹盞煎大人小兒加
減服兼以藥墜洗之

小兒臉中生贅

眼臉中生贅子初生如麻子大日漸如豆懸
垂臉內乃脾經風熱所攻宜加減服前伍退

散方見大方科眼門

小兒疳眼

小兒疳眼初生則澁痒久而生瘡翳腫難開

怕見光明時時出淚此因肝風所攻或因瀉

痢後虛熱上衝不可點宜服前還睛散方見大方

科眼門

小兒青盲

胎中受風五臟不和嘔吐黃汁兩眼一同視

物不明無藥可治

肘後方

姚和衆治小兒腦熱常閉口大黃湯分竈判

以水三合衛生易方煎盡衛生易方滴壹滴壹歲兒每日

與半合衛生易方服餘者塗頂上乾則更塗

省翁活口議

治小兒眼患初作粟醫浮醫或來或去漸發

差大侵睛滅明至妙立消膏良方

雪白食塩生研少許須以淨器

右以大燈心點搽輕手指定浮醫就靛凡

三五次點見效令子勿驚恐不疼痛亦不礙人多投之勿慮屢用剋效

治小兒疳蝕眼患閉合不開羞明怕日及至開眼有如內障矇矓失所宜服生乾地黃湯方

生乾地黃各乙兩 熟乾地黃並洗 麥門冬子

去心 川當歸壹分 枳殼米泔浸一宿 杏仁湯

半兩 去皮尖麩 防風 甘草炙 赤芍藥各壹分

炒令赤 右吹咀每服一大錢水小小盞以黑豆七

粒煎至黑豆熟去滓通口服

治小兒熱毒眼患小防風湯方

大黃蒸 山梔子 甘草炙 赤芍藥 川當

歸洗 防風 羌活

右等分吹咀每服二大錢水小小盞煎至

半去滓通口服食後

治小兒風毒眼患小流氣飲方

蟬蛻去大脚 甘草炙 羌活 天麻 川當歸

赤芍藥 防風 大黃 腦薄荷 杏仁

右件等分攷咀每服大錢水小小盞煎至半去滓通口食後服

治小兒積毒眼患小菊花膏良方

昔蓮 黃芩 大黃 菊花 羌活 蒼

朮 米泔 荆芥 穗 防風 歸木 小小盞煎至

右等分爲末煉蜜爲膏尾指大每服一餅

細嚼白湯下

經驗良方

小兒赤眼研黃連末水調塗脚底心其赤自

退

衛生易簡方

治小兒目赤腫似桃用杏仁十四枚口內含

去皮尖細嚼以新絲裏頻擠汁入眼雖痛

痛止即效

治小兒疳澁眼數日不開用涼膈散煎服數

貼則愈

治小兒疳眼赤爛用苦參蔓荆子防風竜膽

草玄參等分爲末猪膽糊爲丸如菜豆大

丸散量大小茶清下
治眼生障用栝樓根甘草赤芍藥草決明等
分爲末每服半錢蜜湯調下

耳

論

目錄

千金方

千金月令

聖惠方

治小兒耳聾諸方

細辛膏

治小兒耳瘡諸方

白礬散

治小兒聾耳諸方

白礬散 黃連散 花燕脂散 白礬灰

散 雄黃散 黃礬散

治小兒百蟲入耳諸方

小兒藥證直訣

通雲散

大全本草

直指小兒方

耳病證治

龍骨散

朱氏集驗方

耳

竹屑散

保童秘要

經驗良方

白礬散

餘藥無名者散見本方

針灸

巢氏病源

耳鳴候

手太陽之經脉入於耳內小兒頭腦有風者
風入乘其脉與氣相擊故令耳鳴則邪氣與
正氣相擊久即邪氣停滯皆成聾也

中風掣痛候

小兒耳鳴及風掣痛其風染而皆起於頭腦
有風其風入經脉與氣相動而作故令掣痛
其風染而漸至與正氣相擊輕者動作幾微

故但鳴也其風暴至正氣又盛相擊則其動
作疾急故掣痛也若不止則風不散津液凝
聚熱氣加之則生黃汁甚者亦有薄膿也
千金方

治小兒聾耳方

壽域神方
聾作底

末石硫黃以粉耳

中日一夜一

衛生易
簡方同

治小兒耳瘡方燒馬骨灰傅之
又方燒鷄屎白筒中吹入

千金月令

小兒患聾耳出膿耳外成瘡汚方右以蚯蚓
糞碾末籬過傅瘡兼吹耳立効

聖惠方

治小兒耳聾諸方

夫小兒耳聾者是風入頭腦所爲手太陽之
經入於耳內頭腦有風風邪隨氣入乘其脉
與氣相搏風邪停積則令耳聾也
治小兒耳聾或因腦熱或因水入或因吹著
並宜用此細辛膏方

細辛 防風 去蘆頭 川大黃 剉微炒 黃芩 已上一

分 川椒 十粒去目 蠟 半斤

右件藥細剉用清麻油三合煎藥紫色瀘

過下蠟候消為膏每日三度用一大豆大

點於耳中

治小兒風熱兩耳聾鳴方

遠志 去心 菖蒲 柴胡 去苗 甘草 炙微赤剉

磁石 三分去赤汁 麥門冬 半兩去心焙

右件藥搗細羅為散每服以葱白湯調下

半錢日二服量兒大小以意加減

治小兒耳聾不差方

生地黃 半斤 杏仁 七枚湯浸去皮 巴豆 七枚去皮印成

搗 半錢

右件藥搗碎同研堪丸即丸如蕤核大用

髮薄裹內耳中日一易之若耳內痛有水

出即去藥未効再用之

又方杏人 湯浸去皮 甜葶藶 各等分 搗

右件藥搗研如膏以少許猪脂和合煎令

稠以絲裏如蕤核大塞耳中日一易之

又方松脂 菖蒲末 烏油麻 各半

右件藥相和擣熟絲裏如一豇豆大塞於

耳中日一易之

又方菖蒲末 豇豆 杏仁 半兩 浸去皮 尖雙 人研如泥

右相和研令乳入每用少許絲裏內於耳

中日一易之

又方右取葱白於煨灰中煨令熟以葱白頭

內耳中日三易之

又方蓖麻子 十枚 棗肉 七枚

右件藥同擣如膏每取蕤核大絲裏內於

耳中日一易之

又方右擣芥子令爛以人乳和絲裏少許塞

耳中日一易之

治小兒耳聾立效方右取自死白頸地龍內

葱葉中麩裏蒸令熟以汁瀝著耳中不過

三度差

治小兒耳瘡諸方

夫小兒耳瘡者瘡生於兩耳時差時發亦有膿汁如此是風濕搏於血氣所生世亦呼之為月蝕瘡也

治小兒耳瘡及頭瘡口邊肥瘡蝸瘡並宜用白礬散方

白礬 一兩 燒灰 蛇床子 一兩

右件藥同細研為散乾摻於瘡上立効

治小兒耳內生瘡汁出方

白礬 壹錢 麝香 壹字

右件藥同研令細少少摻於耳中

治小兒因築榼損耳耳內有瘡汁出不止方

右取胡桃擣肉取油用滴耳內即止

又方右取肉机上垢傅之良

又方右燒馬骨灰細研傅之

又方右雞糞白炒黃為末傅之佳

治小兒聾耳諸方

夫耳者宗脉之所聚腎氣之所通小兒腎藏盛而有熱氣上衝於耳津液壅結則生膿汁

亦有因沐浴水入耳內巢氏病源而不傾瀝令盡水濕停積搏於血氣蘊結成熟亦令膿汁出皆謂之聾耳久不差則變成聾也

治小兒聾耳汁出不止外科精義斷臍之後不乾及膿出耳中

白礬散方

白礬灰兩半 竜骨末兩半 黄丹兩半 微炒○ 麝香一分 精○

香義少許研

右件藥同研令細先以絰杖子展却耳中膿水用散半字分為兩處摻在耳內日三

用之勿令風入精義為細末每用乾糝之

治小兒聾耳久不差黄連散方

黄連去鬚 白欵 赤石脂 竜骨 烏賊魚

骨已上各半兩

右件藥搗細羅為散以絰裹如棗核大塞耳中濕即更易之

又方桂心壹分 青羊糞壹分 炒○ 令轉色

右件藥同細研為散取壹字以絰裹塞耳中差

治小兒聾耳恒出膿水久不止花燕脂散方

花燕脂 白龍骨 白礬灰 白石脂已

各半

右件藥都研如粉用棗瓢和丸如棗核大以絲裏一九內耳中日三換之

又方黃連三分去鬚 竜骨三分 烏賊魚骨兩半

右件藥搗細羅爲散每服少許以絲裏內於耳中日三四度易之

治小兒聾耳有膿血疼痛不止白礬灰散方

白礬灰 黃礬剉 烏賊魚骨 龍骨已上各半

右件藥搗細羅爲散以絲纏柳杖展去膿血盡乾摻藥末於耳內日二三用之

治小兒聾耳汁出汁沾外邊生惡瘡瘰肉宜用雄黃散方

雄黃半兩 黃芩末壹分 會青一分

右件藥郁細研令勻以絲裏豇豆大塞耳中日再換之

治小兒聾耳出膿水黃礬散方

黃礬半烏賊魚骨壹分黃連壹分

右件藥搗羅為末絲裏如棗核大塞耳

又方右取蟲食荆子中白粉以麻油調滴於耳中日再易之

又方右以硫黃末粉耳中日一夜一即差

又方右以青羊糞曝乾以絲裏塞耳中

又方右研韭汁點之日二三度用之

又方右取鯊魚枕燒為灰細研如粉每用壹

字內在耳中日二上用之

又方右取狼牙草搗羅為末以輕疎生絹裏塞耳中

又方右以杏人爛研為膏以亂髮裏塞耳中日三易之

又方右取釜下墨絲裏塞耳中差

治小兒百蟲入耳諸方

治小兒百蟲入耳方右以桃葉塞兩耳即出
又方右用好米醋灌少許起行即出

又方右以生薑汁灌之即出

又方右擣韭汁灌之即出

又方右閉氣以盧管使人吹耳中即出

又方右擣藍青汁以灌之良

又方右以葱涕灌耳中即出

又方右以銅錢二七文以猪膏四兩煎之良

久將用灌耳即出

又方右以兩刀於耳前相敲作聲蟲即出

治蚰蟓入耳方右熬胡麻擣以葛囊盛枕之

即出

又方右以小銀大豆許瀉入耳中欬卧空耳

向下擊銅器叩齒十下即出蚰蟓呼為土

蛭似蜈蚣黃色細長者是也

又方右以牛酪滿耳灌之即出若入腹食好

酪一二升為黃水消出不盡更服神効

治小兒飛蟲入耳不出方

白礬如蓮子雄黃如蓮子

右件藥研如麵以生油調滴入耳中

治小兒蟻子入耳方
右炙脂肪令香安耳邊
即出

治蜈蚣入耳方
右以桑樹葉裏揀炙令熱以
掩耳冷則換之

小兒藥證直訣

通雲散治小兒癩耳
拔粹方名
紅下散

白礬飛火 坯子 州脂
染煙脂 各壹錢 麝香
壹字口拔 粹方各壹

右同研每服勻少許
先用絲裹杖子撒
拔粹

方作 淨滲之

大全本草

孫真人小兒患聾耳出膿水成瘡
汚方以蚯蚓糞碾末傅之兼吹耳中
立効

直指小兒方

耳病證治

耳者腎之候小兒腎經氣貫其熱上衝於耳
遂使津液壅滯為稠膿為清汁者此也亦有
沐浴水入耳中水濕停留傅於血氣醞釀成

熱亦令耳膿久不瘥變成聾耳

龍骨散○得效方明礬散治腎經有熱上衝

於耳遂使津液壅滯為稠膿為清汁耳內痛

亦有沐浴水入耳中濕氣停滯為膿但不疼

二證久不瘥變成聾耳

明礬煨 龍骨研各三錢 黃丹煨二錢 胭脂一錢 麝許少

右細末先以蘇杖撚去水次以鵝毛管吹

藥入耳本方加海螵蛸末亦好

月蝕耳瘡方胡粉和東方壁土為末傅得効方同

又方蝦蟇燒灰存性搗為末和猪膏傅得効方同
朱氏集驗方

耳

竹屑散治停耳出膿汁

蚌竹屑 坯子 麝香 白礬煨一錢

右為末吹入耳內未用藥時先將蘇子繳

了膿汁方用

保童秘要

通耳方

羊糞燒灰各

右細爲末不計時候以少許糝耳中

耳聾方

細辛 防風 大黃 黃芩各壹分 椒十粒

右並細剉以新絲裏取清麻油三合煎藥令紫色以篩濾過下少蠟候凝每日三度

點之旬用豆許

亭耳汁不止諸方

青連三分 龍骨二分 烏賊魚骨半枚去甲炙令黃

右擣羅爲末更細研以生麻油調每日三度點之每度點一小豆許

又方青羊糞不計多少

右曝乾輕炒絲裏塞耳中日再換

又方白礬一分 龍腦少許

右並細研以生麻油調每日三度點之每度點壹小豆許

亭耳汁出染外邊作惡瘡方

雄黃五分 黃芩 曾青各二分

右三味細研每度以絲裏壹江豆大塞耳
中

耳鳴無晝夜方

菖蒲 烏頭去皮生用

右各等分每日以絲裏壹大豆許塞耳中

經驗良方

治小兒月蝕耳瘡及治耳出膿水成瘡右非

菜園蚯蚓糞火煨為末鎔猪脂傅之或清

油調

白礬散治瘡生於兩耳鼻口間時瘥時發乃
是風濕搏於血氣之所生也世謂之月蝕瘡
隨月生死因以為名世云小兒見月初生以
手指之則令耳下生瘡

白礬枯 蛇床子各壹兩 黃連半兩

右為細末乾摻瘡上水調塗亦得

耳鍼灸

保童秘要

耳鳴無晝夜方宜灸天容動脈是也

醫方類聚

卷之二十四

醫方類聚卷之二十四十二

